

horis, delectu adhibito excerptam optimas & lectu dignas, & eas si permiserit Deus edam in lucem. Sed velim id fieri paucis consciis, ne liber novitatis gratiam amittat. Nihil tibi, viro cordato, præscribo. Si molestum est quod peto, nolim te invitum morem gerere. Sed si probas consilium, fac, ut id intelligam. Nunc tibi mitto disp. Juridicas apud nos habitas: & Scholæ apud nos Reformatæ descriptionem. Hanc ideo mitto, ut tuo quoque præconio exornes nostram Scholam, quæ disciplinæ & institutio-
nis cauſſa ita bene audit, ut Nobiles, Baro-
nes & Comites habeat Scholasticos, & ut magnus sit discipulorum numerus. Quicquid Sturmiana apud Argentinenses Schola eximum habuit, id nos ad usum nostrum transtulimus. Ubi sit optimus frater tuus Philippus, ignoro. Deus illi cæterisque tuis fratribus tibi, Conjugi, literis, nobili Muffe-
lio benefaciat. Vale in Christo. Basileæ 14.
Novembris 1591.

EPISTOLA LXIV.

S Vir clar. quem Deus & publici muneris,
• quo in illustrissima Republ. fungeris,
sibi